


Tawk Yesux Piang Khaox Lhak



Lukax 23:26, 32-54

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Pui Romax prawng ca kah pui kin lud (awm pa lud pah pui yum) ka piang khaox lhak. Khaox lhak ah ex mawh pa yuh ka khaox ra gawng, pa kang ki ex awm khaox sigang. Pa ah ex prawng ca piang khaox lhak mawh daux blawng pa kieh yum kheu pa kha rhawm tix ka pa kied saux. Tawk taix mai caong ka jim rhiem piang khaox lhak mai deuh khaox lhak an dee chix yaox pui heue.

Yesux yaox tix kham pa giex gang ka daux sibeem plak bo sangaix pon mai yaox tix yum piang khaox lhak singaix phuan heue.




²⁶ Yam tuk kix Yesux hu, kix giex Simon pa mawh pui meung Kurene, pa kaoh khaing daux tiag mai kix deuh khaox lhak ka piang nawh, sonsang klawm khaox lhak an hawt Yesux heue.
²⁷ Cub pui pa kied hun hawt Nawh Cao, khawm bun pa yiiem grai son Nawh.




³² Viang mawh pui caox ra kaux kawx, kix tuk hu tau mai Nawn Cao, son sang teei kiex yum heue. ³³ Yam hoek kix tix dah pa kok mawh, si-ang kaing, kix tawk Nawn Cao piang khaox lhak tan mai pui caox an kiex, kix tawk plak taix khawn dawm Nawn tix kaux, khawn goix tix kaux heue.



³⁴ Yesux ah nin, “Keeing eue, pluat ploi phimap kix liak, kheu ang kix tawng pa yuh tix heue.” Kix teei kraung ceep Nawh Cao mai nieb ti yaox mai goih sinax kix heue.




³⁵ Pui khankix cung ti jhak tan, simiang khankix kawx, nied ah pa ang cee ang cak ka Naws ah nin, “Naws hoik taoh ka pui tang kaux khankix, kieh Naws taoh tokaux tix, phan Naws mawh Khrit cie Siyiex, pa hoik laug Naws ti teei.”



³⁶ Pui naing khankix kawx, yuh pa ang cee
ang cak mai tawx ti yaox sidah niex ka Nawh,³⁷
ah nin, “Phan Maix mawh simiang pui Yudax,
taoh tokaux tix tiru heue.”³⁸ Kix tiiem ti deuh
lai pa ah nin, ka piang Nawh Cao, “IN MAWH
SIMIANG PUI YUDAX”.



³⁹ Ka daux pui caox an kiex pa hoik preue, tix kaux ah pa ang khaw ang jiet ka Nawh Cao ah nin, “Phan Maix mawh Khrit taoh tokaux tix mai yiex heue.” ⁴⁰ Viang mawh nan tang kaux an deeh ah ka kaw an ah nin, “Viang ka Siyiex kawx ang maix lhat lie, siyox kham geu maix krax prawng awm paox tix lie?




⁴¹ Ax kham geu yuh nin hoik khaw, kheu ax pon pa khaw tix geu, son ceu pa hoik yuh tix, viang mawh nan pui in ang sax yuh pa lud tidtix heue.” ⁴² Nawh ah nin ka Yesux, “Simiang eue, yam hoek Maix ka daux meung tix, doh keud ka aux liak.”

⁴³ Yesux dee ah nin ka nawh, “Aux krai lox tete ka maix, ka daux singaix maix tag ot tau mai Aux ka daux Paradisux heue.”



⁴⁴ Yam an dex liah nari mai praix vhaik piang haktiex khawmuik tom hoek dim nari heue.

⁴⁵ Singaix uik vhaik, man tie ka daux nyiex buan griaħ ka sigreung heue.




⁴⁶ Yesux kok lox sinum ah nin, “Keeing eue,
Aux tawx khuan Tix ka daux tawm taix Maix.”
Khaix hoik ah Nawh nan, Nawh Cao deeh tawx
khuan Tix mai dud rhawm heue.



⁴⁷ Yam yaox cao giex kaing naing an, grawng
ceu pa hoik mawh, nawh yaogyaw Siyiex ah
nin, “Kaw in mawh pui rahsee tete heue.”




⁴⁸ Cub pui hun pa hoek ti yaox ceu in tau, yam hoik yaox kix ceu pa hoik mawh khankix, kix dieh naok tix mai deeh ing heue. ⁴⁹ Pui pa meed tawng Nawh Cao, bun pa hoik hawt hoek tau mai Nawh Cao khaing meung Galilie, cung dee singai mai jhak ka ceu in khankix heue.



⁵⁰ Yam an pui tix kaux pa kaux Yosiep, pa mawh cao prawng see, pui mhawm, pa rahsee.

⁵¹ Nighth ang rieb ang khaw rhawm ka grawng pa hoik kum kawng kix mai yuh pa mawh pui Arimasie, veng pui Yudax tix veng, pa krox ti jhak son yam sang hoek meung Siyiex. ⁵² Pui in hu ka Pilat mai rawg mhaing tokaux yum Yesux heue.



⁵³ Nawh teei tokaux yum Nawh Cao lih mai nawh pua ka man paing mai deuh Nawh ka daux simeeig, pa hoik saik ka daux rang mai dee ang bax sax deuh pui heue. ⁵⁴ Singaix an mawh singaix khre mai singaix tuah dex sang hoek heue.

k. Deeh Thawk Teng

1. Lien Romax khankix giex pui mawx klawm khaox lhak Yesux?
2. Mawh pui mawx pa ot plak taix khawn dawm khawn goix Yesux?
3. Yesux rawg buan yuh ka mawx ka son pui pa tawk Naws yum piang khaox lhak?
4. Pui pa ot dex tan khankix yuh pa ang ceu ang cak ka Yesux yuh ka mawx?
5. Pui pa ot plak goix plak dawm Yesux, ah pa tix ka Yesux. Naws deeh pawk ka lox pa khiox khaw kaw pui caox an tix kaux yuh ka mawx?
6. Plak pon ngaix raoma lih ti yuh ka mawx? Yam dud rhawm Yesux, lih ti mawh yuh ka mawx daux nyiex buan?
7. Lox ghoik pa ah Yesux piang khaox lhak mawh pa tix?
8. Yam yum Yesux, pui pa hoek jhak Naws khan kix yuh pa tix?
9. Mawh pui mawx pa rawg ti sipaung Yesux ka simiang Pilat? Naws mawh pui pa yuh ka mawx? Naws deuh tokaux Yesux dee mawx?

kh. Krax Pa Doh Rhawm Ka Been

1. Maix pon rieb gau ceu pa tix khaing grawng pa rawg Yesux buan son lien khankix?
2. Mawh kheu jao pa tix Yesux kieh pui tawk Tix yum piang khaox lhak?
3. Daux rhawm rhi pui caox an ra kaux koe yuh ka mawx ka Yesux? Mawh kheu jao pa tix Yesux ahyuh nan ka pui caox an tix kaux, “Aux krai lox tete telai ka maix, ka daux sinaix maix tag ot tau mai Aux ka daux Paradisu”?
4. Grawh grawng pa griaah greung man tie nyiex buan ra plak koe dee bleeh yuh ka mawx? Koe dee bleeh yuh ka mawx son ex?

g. Krax Pa Deeh Shiao Daux Ju Tix

1. Kadaux been in ex yaox Yesux moh ka kawn pui yuh ka mawx?
2. Ex pon rieb krax taoh yuh ka mawx? (keud grawng pui caox an ra kaux)
3. Ex sang chix jhi krax ting buan son ka Yesux yuh ka mawx kheu pa hoik yuh Nawh son ex?

Ng. Ceu Pa Rieb Gau Ex Khaing Been In

1. Ex pon rieb krax pluat ploi phimap mai krax taoh kheu yum rhawm ka Yesux mawh Kawn Ai Siyiex. (Ang mawh jao yuh ex kaing pa mhawm)
2. Yesux yaox tix kham geu krax kha tom nie, son sang pon ex krax pluat ploi phimap.
3. Maix pon rib gau ceu pa tix? Kawn koe lox chawk lie?

Baux Lai Pa Caw Ti Ci

Lukax 23:34 Yesux ah nin, “Keeing eue, pluat ploi phimap kix liak, kheu ang kix tawng pa yuh tix heue.”